



20. februar 2007

Inatsisartut Suleriaasissaanni § 36 imm. 1 naapertorlugu apeqqutit uku Naalakkersuisunut apeqquti-gaakka:

**Naalakkersuisunut apeqqutit Royal Greenlandip ataatsimeersuarnera tassanilu aalajangius-sat pillugit.** (Inatsisartuni ilaasortaq Palle Christiansen, Demokraatit)

**Pissutigisaq:**

Royal Greenlandip ataatsimeersuarnerani februarip 14-ianni Peter Grønvold Samuelsen siulersuisut siulittaasuattut nutaatut qinerneqarpoq. Peter Grønvold Samuelsen siornagut Siumut sinnerlugu Naalakkersuisuusimavoq sulilu partiimut tassunga atassuteqarnissaa ilimagisariaqarluni.

Naalakkersuisut maanna issiasut Kalaallit Nunaat ukioq ataaseq sinnilaarlugu aqussimavaat. Piffis-sap tamatuma iluani Namminersornerullutik Oqartussat suliffissuaataanni annersani marlunni siu-lersuisut siulittaasui taarserneqarsimapput, KNI-mi siulittaasoq maanna Simon Olsenimik ateqarluni Royal Greenlandillu siulittaasua maanna Peter Grønvold Samuelsenimik ateqarluni. Tamarmik as-sigiissutigaat siusinnerusukkut partii Siumut sinnerlugu Naalakkersuisuusimagamik.

Taamaannerata apeqqutit uku apeqqutiginnissaannut pissutissaqartilerpaanga Peter Grønvold Sa-muelsenip Royal Greenlandimi siulersuisut siulittaasuattut tikkuarneqarsimaneranut tunngasut.

1. Naalakkersuisut Siumumut atassuteqarnissaq immi piukkunnaatit isiginerlugu? Akissut tunngavilersoqquneqarpoq.
2. Royal Greenlandimi siulersuisut siulittaasuattut atorfimmut qinigassat qassiusimappat?
3. Peter Grønvold Samuelsenip piukkunnaatai suut tunngavigalugit aalajangerneqarpa Royal Greenlandip siulersuisuini siulersuisussaq taannarpiassasoq?

Ulloq 14. februar 2007 Naalakkersuisut siulittaasuannit akissut tigusimavara siusinnerusukkut apeqqutigisimasakka Royal Greenlandimi ataatsimeersuarneq taanna 30. januar 2007 pisussaaga-luaq pillugu. Naalakkersuisut siulittaasuata apeqqut 2-mut akissutaa naammaginngilara, ima oqaa-sertalik:

*Pissutsit allat nalinginnaasumik ataatsimeersuarnissap taamaatinnaasunik kinguartinneqarnissaa-nillu aalajangiinermut aamma pisooqataappat?*

Naalakkersuisut siulittaasuata akissutaa ima nipeqarpoq:

*Isumaliutit avataaneersuunngitsut ataatsimeersuarnissap kinguartinneqarnissaanut aamma aala-jangernermut ilaapput.*

4. Nalujunnaarusuppara isumaliutit avataaneersuunngitsut suut pineqarnersut?

Naalakkersuisut tamanna nalunaarusunngippassuk nassuiaammik tunngavilersorluakkamik piuna-vunga sooq Naalakkersuisut apeqqutiga akiumannigikkaat. Nassuiaat inussiarnersumik malittarisas-sanut, inatsisinut paragraffinulluunniit allanut unnersuussissaaq nassuiaarlugu sooq Naalakkersuisut apeqqut tamanna pillugu paasissutissanik tunniussinngikkallarnissaq ajunngitsutut isumaqarfigne-raat.

Apeqqutit uku tiguineranniit ullut 14 qaangiutsinnagit akeqquneqarput.